



Jwe ofri timoun ou an yon opòtinite patikilye pou l vin yon moun ki kapab, ki kwè nan tèt li, epi ki reyisi nan sa l aprann.

Li gen senk aspè ki enpòtan pou bonjan devlopman timoun ou an. Chache plis eksperyans sou aprantisaj ki pou sipòte timoun ou an nan paj ki vin apre yo nan **Massachusetts Early Learning Guidelines for Infants and Toddlers (Gid sa yo disponib sèlman nan lang anglè ak panyòl)**, yo ka telechaje yo nan sit entènèt Edikasyon ak Swen Bonè (Early Education and Care) a: www.mass.gov/eec

Jenn Timoun (12 a 33 mwa) →
Timoun Piti (kòmansè depi nan nesans pou rive sou 15 mwa)

1	Devlopman Sosyo-Emosyonèl	p. 31	p. 101
2	Devlopman Langaj ak Kominikasyon	p.47	p. 120
3	Devlopman Entèlektyèl	p. 65	p. 144
4	Sante ak Byennèt Fizik	p. 80	p. 153
5	Apwòch a Aprantisaj (bwochi sa a)	p. 83	p. 163



Sherri Killins, Ed.D., Komisè

Se Davis Publications, Worcester, MA ki prepare travay sa a.



Konsiltan Early Education (entèvansyon Bonè) yo:
Susan Etheredge, Ed.D., Profesè ak Chèmann Edikasyon ak Etid pou Timoun, Smith College, Northampton, MA
Cathy Weisman Topal, M.A.T. Pwofesè Etid Vizyèl, Konferansye ak Pwofesè Atistik ak nan Estidyo, Smith College, Northampton, MA

Se Melissa Iwai ki fè ilistrasyon yo


© 2011 Massachusetts Department of Early Education and Care
 Haitian Creole

Aprann avèk mwenn!



Timoun ou an aprann nan entèaksyon ak nan jwèt.

Jwe ansanm avèk timoun ou an...



Ou poze fondman devlopman sèvo ak aprantisaj pandan premye 3 zan nan lavi timoun ou an.

Bagay Ou Ka Fè ak Bebe W la

Aktivite pou Apwoche Aprantisaj atravè Ògan Sans yo

Gade

Bay timoun an opòtinite pou l wè yon pakèt anvivonman anndan ak deyò. **Gade! Yon manman kana ak ti pitit li yo!**



Touche

Bay bebe w la konfò avèk yon touche dous. **Èske sa a pa fè pye w santi l byen? Ti kochon sa a...**



Pran sant

Envite timoun ou an pou l kanpe epi pran sant. **Kilès nou ta dwe ajoute nan avwán nou an? Mwen renmen kanèl.**



Pran gou

Ofri bebe w la plizyè gou ak kalite diferan. Souvan ou dwe eseye plizyè fwa pou devlope nouvo gou. **Mwen moulen pèch ak diri jòn pou ou jodi a.**



Tande

Prete atansyon a son nan lavi chak jou yo. **Sa a se machin a lave a k ap vire—sa vle di rad yo prèske pwòp.**



Bagay Ou Ka Fè Ak Jenn Timoun ou an

Aktivite pou Apwoche Aprantisaj atravè Ògan Sans yo



Kolabore

Mete sou pye aktivite pou timoun ou an travay sou yo avèk lòt timoun pou yo atenn yon objektif. **An nou ranje tab la pou manje midi.**

Plonje

Bay tan ak espas pou angaje w afon nan aktivite endividyèl ak an gwoup yo. **Mwen renmen jan nou toude ap pentire avèk prekosyon epi dousman. Nou gen anpil tan pou nou pentire, kidonk pran san w.**



Pratike

Ankouraje jenn timoun ou an pou l repete epi pratike aktivite li konnen. **Youn te tonbe. N ap pi fò e pi fò si nou eseye l ankò.**



Pwolonje

Ajoute yon nouvo defi nan jwèt jenn timoun ou an ap fè a pou ede l ranfosè talan l yo epi konstui nouvo talan. **Yè ou te bati yon kay. Ki lòt bagay kay ou a bezwen?**



Fè lojik

Fè lojik ak jenn timoun ou an fò. Pale konsènan sa jenn timoun ou an te fè. Poze kesyon ki ouvè epi ankouraje revizyon. **Mwen ka wè w fwistre. Natalie pa konnen w t ap pale avè l. Eseye di non l fwa sa a.**



Obsève

Remake sa jenn timoun ou an renmen fè. Ba li materyèl ak aktivite ki ankouraje l fè sa ki enterese l yo. **Men kèk bagay anplis ou ka vide e vide ankò ladan l.**